

# Mūsa Anopras

## I

Kāp tik sauli patekēja  
Diedi iš truobuos išeja.  
Nusimetis marga švarka  
Dara ons keimelie tvarka.

Jau sauleli truopnē rētas  
Diedis darbs īr padarītas.  
Pietu laiks. Brauk diedi ūsa  
– Morta, kon išvērus būsi?

Dara duris i truobeli,  
Žiūr – ont stala gol laiškēlis.  
Meilis ženklas, šīpsos diedi  
Iš tuo džiaugsma atsisieda.

Nusimēnēs kraipa ūsa,  
Kāp dabar nevalgis būsu.  
O laiškēlie parašīta –  
Išēigini mon šī rīta.

## II

Ant šiltuos koknis sutūpie  
Vēsa nakti katis kniūki.  
O tuos žiorkis, tuos begiedis  
Diedis švarka ēr suiedi.

Prisimenis marga švarka  
Anūprs baisiuo zlastie verda.  
Rēk juk spastus padarīti  
Tad ramībi bus brolīti.

Sauli vakaruosna rētas,  
Diedis darbs īr padarītas.  
Iš tuo džiaugsma šīpsuos vēins  
Bus jums žiurkēs sūdnas dēins.

O žiurkelēs šmukšt unt taka –  
Diedi žada nebeteka.  
Spasta trenki, ons suklēka,  
Diedis kuoji spastus lēka.